

Resolución do 11 de xaneiro de 2023 da Universidade da Coruña, pola que se fixa o procedemento e o prazo de presentación das solicitudes de avaliación da actividade investigadora para o profesorado da Facultade de Ciencias do Deporte e a Educación Física que conte co título de doutor/a, o profesorado colaborador por tempo indefinido, o profesorado contratado doutor e o profesorado axudante doutor correspondente ao ano 2022

Co obxecto de desenvolver o que establece o Título VIII do II Convenio colectivo para o persoal docente e investigador laboral das universidades da Coruña, Santiago de Compostela e Vigo, en que se recolle a posibilidade de que os/as colaboradores/as fixos/as, e o profesorado contratado doutor soliciten o recoñecemento do complemento de produtividade investigadora, e igualmente co mesmo obxecto de posibilitar este dereito ao persoal funcionario pertencente á Facultade de Ciencias do Deporte e a Educación Física (antiga INEF de Galicia) que posúa o título de doutor e máis o profesorado axudante doutor, tralo acordo coa representación sindical do PDI da UDC do 23 de decembro de 2021, esta Universidade da Coruña resolve:

Primeiro. O profesorado da UDC funcionario da Facultade de Ciencias do Deporte e a Educación Física desta Universidade que posúa o título de doutor, o profesorado colaborador con contrato fixo, o profesorado contratado doutor e o profesorado axudante doutor/a poderá presentar a súa solicitude de avaliación da actividade investigadora dende o **día 16 de xaneiro de 2023 ao 6 de febreiro de 2023**, segundo as normas contidas no anexo.

En todo caso, os/as solicitantes deberán ter a condición de funcionario/a da Facultade de Ciencias do Deporte e a Educación Física co título de doutor ou profesor/a colaborador/a con contrato fixo ou profesor/a contratado/a doutor/a ou profesor/a axudante doutor/a a data do 31 de decembro de 2022. Así mesmo, as achegas deben ter sido publicadas nos anos sometidos a avaliación.

Segundo. A presente convocatoria rexeráse polas correspondentes bases contidas no anexo desta resolución, e estarase ao que dispoñen:

- A Lei 39/2015, do 1 de outubro, do procedemento administrativo común das Administracións Públicas (BOE do 2 de outubro de 2015).
- O Real decreto 1086/1989, do 28 de agosto, sobre retribucións do profesorado universitario (BOE do 9 de setembro), modificado polos reais decretos 1949/1995, do 1 de decembro (BOE do 18 de xaneiro de 1996); 74/2000, do 21 de xaneiro (BOE do 22), 1325/2002, do 13 de decembro (BOE do 21) e Real decreto 1112/2015, do 11 de decembro (BOE do 18).
- A Orde do 2 de decembro de 1994, pola que se establece o procedemento para a avaliación da actividade investigadora dos funcionarios dos corpos docentes universitarios (BOE do 3), modificada pola Orde do 16 de novembro de 2000 (BOE do 21).
- A Resolución do 21 de novembro de 2022, da Comisión Nacional Avaliadora da Actividade Investigadora, pola que se publican os criterios específicos aprobados para cada un dos campos de avaliación. (BOE do 22/12/2022)
- A disposición final vixésima sexta da Lei 22/2013, de 23 de decembro, de Presupostos Xerais do Estado para o ano 2014 (BOE do 26/12/2013)
- O Convenio de colaboración entre a Universidade da Coruña e a Axencia Nacional de Avaliación da Calidade e Acreditación (ANECA) polo que se formaliza a encomenda de xestión para a avaliación da investigación dos profesores contratados. (DOG do 21/03/2022)
- O acordo sobre o recoñecemento do dereito do profesorado axudante doutor da Universidade da Coruña a percibir o complemento de produtividade por actividade investigadora do 23 de decembro de 2021. (Sede electrónica 13/01/2022)

E as demais normas vixentes que sexan de aplicación.

Código Seguro De Verificación	mhFUpw9MCK0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	1/7
Url De Verificación	https://sede.udc.gal/services/validation/mhFUpw9MCK0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Terceiro. No que non estea previsto polas bases desta convocatoria rexerán as mesmas normas que sexan aplicables ao complemento de produtividade investigadora correspondente ás retribucións do persoal docente universitario funcionario.

Cuarto. Protección de datos de carácter persoal

De conformidade coa Lei orgánica 3/2018, de 5 de decembro, de Protección de Datos Persoais e garantía dos dereitos dixitais, os datos recollidos neste procedemento serán tratados pola UDC para a xestión de expedientes administrativos de persoal, cálculo de nóminas e Seguridade Social e xestión de persoal.

O órgano responsable do devandito tratamento é a Secretaría Xeral ante a que se poden exercer os dereitos de acceso, rectificación, supresión, limitación de tratamento oposición e portabilidade, na Reitoría da UDC; rúa Maestranza, 9, 15001 A Coruña, mail: rpd@udc.gal, teléfono 881011161.

O correo da Delegada de Protección de Datos da UDC é dpd@udc.gal

A base de xustificación deste tratamento é a realización de funcións administrativas como consecuencia da prestación do servizo de educación superior (Lei Orgánica de Universidades e na Lei autonómica 6/2013, do Sistema Universitario de Galicia).

Poderanse ceder datos á Comisión Nacional Avaliadora da Actividade Investigadora (CNEAI) e a outras administracións públicas con competencias na materia, e nos supostos de obrigacións legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través da Sede Electrónica da UDC.

Tamén poden dirixirse á Axencia Española de Protección de Datos para realizar a reclamación que consideren oportuna.

Quinto. Contra a presente convocatoria cabe interpoñer recurso contencioso-administrativo ante os Xulgados do contencioso-administrativo, conforme ao establecido no artigo 8.2 da Lei 29/1998, de 13 de xullo, reguladora da Xurisdición contencioso-administrativa, no prazo de dous meses que comezará a contar dende o día seguinte á data da súa publicación, de acordo co establecido no artigo 46.1 da citada Lei 29/1998.

Así mesmo poderá presentarse, potestativamente, recurso de reposición, no prazo dun mes, de conformidade co disposto no artigo 124.1 da Lei 39/2015, de 1 de outubro, do procedemento administrativo común das Administracións Públicas.

Contra os actos definitivos e de trámite cualificados que resulten do procedemento ao que a presente resolución refírese, poderán as persoas interesadas interpoñer os recursos administrativos ou xurisdicionais que en dereito procedan.

Sexto. A presente Resolución entrará en vigor o día seguinte ao da súa publicación no taboleiro de anuncios da Sede Electrónica desta Universidade.

A Coruña,

O reitor

PD O vicerreitor de Profesorado e Planificación Docente
(RR 14/01/2020)

Alberto Valderruten Vidal

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	2/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



ANEXO

BASES DA CONVOCATORIA

1. Obxecto da convocatoria

O propósito desta convocatoria é recoñecer os méritos na actividade investigadora desenvolvida polo profesorado funcionario da Facultade de Ciencias do Deporte e a Educación Física desta Universidade que posúa o título de doutor, o profesorado colaborador con contrato fixo, o profesorado contratado doutor e o profesorado axudante doutor desta Universidade, e incentivar o seu exercicio e a súa calidade.

2. Requisitos dos/as solicitantes

2.1. Terá dereito a solicitar a avaliación da súa actividade investigadora o profesorado que a 31 de decembro de 2022 teña a condición de:

- Funcionario/a da Facultade de Ciencias do Deporte e a Educación Física desta Universidade (antiga INEF de Galicia) e que posúa o título de doutor.
- Profesor/a contratado/a doutor/a, fixo/a ou interino/a
- Profesor/a colaborador/a con contrato fixo
- Profesor/a Axudante doutor/a

2.2. O profesorado descrito no apartado anterior que se atope en situación de comisión de servizos, servizos especiais ou situación similar, poderá someter a avaliación a súa actividade investigadora, aínda que os dereitos económicos non se xerarán ata o momento do seu reingreso na Universidade en réxime de dedicación a tempo completo.

2.3. O profesorado descrito no punto 2.1 que permaneza en situación de supernumerario ou se encontre en situación de excedencia voluntaria, prestando servizos na Universidade legalmente recoñecida, poderán someter a avaliación a súa actividade investigadora, aínda que os correspondentes efectos económicos non se iniciarán ata o momento do seu reingreso a unha Universidade pública en réxime de dedicación a tempo completo.

2.4 O profesorado descrito no punto 2.1 que preste servizos na Universidade en réxime de dedicación a tempo parcial poderá someter a avaliación a súa actividade investigadora, aínda que os correspondentes efectos económicos se xerarán soamente a partir do momento en que pasen a prestar servizos na Universidade en réxime de dedicación a tempo completo.

2.5. O profesorado antes mencionado deberá encontrarse en calquera de las seguintes situacións:

- a. As persoas cuxo último tramo avaliado positivamente termine o 31 de decembro de 2016 ou terminase en anos anteriores.
- b. As persoas que nunca se presentasen anteriormente e cumpran un mínimo de seis anos avaliados o 31 de decembro de 2022.
- c. As persoas as que non se lles recoñecese o seu último tramo de avaliación normal e este terminara o 31 de decembro de 2019 ou en anos anteriores. As persoas solicitantes que se atopen nesta situación poderán constituír un novo período, de seis anos, con algún dos anos xa avaliados negativamente no último tramo de investigación que fose presentado e, polo menos, tres anos posteriores a esa última avaliación. No caso de avaliación negativa anterior de dous ou máis tramos presentados conxuntamente, o novo sexenio formarase unicamente con anos propios do último tramo de investigación.

2.6. O profesorado que se atope disfrutando de permiso de nacemento e coidado de menor, en excedencia para atender o coidado fillas e fillos, ou doutros familiares en primeiro grao ao seu cargo, ou en excedencia por razón de violencia de xénero prevista no artigo 89.1 do texto refundido da Lei do Estatuto Básico do Empregado Público, aprobado po RDL 5/2015, de 30 de

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	3/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



outubro, poderá incluír na súa solicitude de avaliación de sexenios os anos –e as achegas publicadas en ditos anos- en que teña permanecido en dita situación de excedencia.

Como parte da estratexia integral para acadar a igualdade efectiva entre mulleres e homes, e a equidade e igualdade de oportunidades, para os efectos do cómputo dos tramos de investigación para a avaliación da actividade científica e investigadora, aquelas persoas que así o desexen e se atopen nalgunha das situacións descritas no parágrafo anterior poderán prorrogar o último sexenio vivo un ano por cada permiso o excedencia, nomeadas no parágrafo anterior, que houberan tido. Estes permisos ou excedencias deberon ter lugar no período comprendido entre o 1 de xaneiro de 2016 e o 31 de decembro de 2022. A prórroga do sexenio será de aplicación ao último sexenio vivo.

3. Presentación das solicitudes

3.1. Atendendo ao disposto no artigo 14.2.e) da Lei 39/2015, de 1 de outubro, a persoa interesada deberá presentar a súa solicitude exclusivamente a través de rexistro telemático, para o que poderá identificarse por calquera dos medios previstos no artigo 9 da mesma lei.

Os formularios e anexos serán cumprimentados e enviados por vía telemática a través da sede electrónica da ANECA: <https://aneca.sede.gob.es/>.

A través da mesma se poderá acceder á resolución da Comisión Nacional Avaliadora da Actividade Investigadora (CNEAI) que especifica os criterios de avaliación para cada campo. Igualmente poderase obter duplicados ou xustificantes dos escritos presentados por rexistro electrónico e poderase realizar o seguimento da tramitación de solicitudes.

IMPORTANTE: Unha vez presentada a solicitude na Sede Electrónica de ANECA, a persoa interesada deberá remitir unha copia do xustificante da solicitude (copia da solicitude asinada e xustificante coa data de rexistro) ao enderezo electrónico servizo.pdi@udc.gal. A falta desta comunicación impedirá que se poida realizar a avaliación.

3.2. As solicitudes deberán incluír a seguinte documentación que está dispoñible na sede electrónica de ANECA:

- Impreso de solicitude asinado.
- Currículo abreviado que se xera ao cubrir a aplicación de solicitude e limitado ás cinco achegas que o/a interesado/a queira someter a avaliación.

Entenderase por «achega» calquera unidade clasificable nalgún dos criterios de avaliación a que se remite o apartado 5 da presente convocatoria. Cada achega deberá incluír os datos que sexan necesarios para a súa localización e identificación.

Cada achega deberá incluír:

- Os datos que sexan necesarios para a súa localización e identificación.
- O arquivo en formato PDF xustificativo devandita achega.
- O “DOI” (Digital Object Identifier) no caso de que a achega dispoña del.

As achegas que presentadas tiveron que ser publicadas nos anos para os que se solicita a avaliación. Non se terán en conta publicacións “aceptadas” pero non publicadas durante eses anos.

En revistas, libros ou outras obras que contén con edición dixital e impresa, as achegas entenderanse publicadas só cando apareceran neste segundo formato.

Se a achega que alegada consiste nunha patente, requírese que fose “concedida” nos anos para os que se solicita a avaliación. Non se terán en conta patentes “presentadas” ou “publicadas” pero non concedidas durante eses anos, e no seu caso, segundo os criterios específicos de cada campo, en explotación. Ademais, deberase incorporar o ficheiro PDF coa concesión da patente.

Cada achega irá acompañada dun “breve resumo” en castelán ou en inglés, co máximo que establece a aplicación telemática, que conteña os obxectivos e os resultados máis sobresáintes

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	4/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



da investigación. Poderanse substituír os resumos individualizados por un só que se refira a todos elas.

Así mesmo, o/a solicitante deberá acompañar os “indicios de calidade” da investigación, que poderán consistir en:

- Relevancia científica da achega.
- Relevancia científica do medio de difusión en que se publicara cada achega. Nas disciplinas en que existan criterios internacionais de calidade das publicacións, estes serán referencia inescusable.
- Referencias que outros/as autores/as realicen, en traballos publicados, á obra do/da solicitante, que sexan indicativas da importancia da achega ou do seu impacto na área.
- Apreciación, expresada sucintamente, do/da propio/a interesado/a sobre a contribución da súa obra ao progreso do coñecemento, así como do interese e creatividade da achega.
- Datos sobre a explotación de patentes ou modelos de utilidade.
- Recensións en revistas especializadas.

No suposto de que as achegas fosen resultado dunha obra colectiva, cada un/unha dos/as autores/as poderá incorporar a referida investigación no seu currículo, facendo mención expresa nos correspondentes resumos do alcance da súa contribución persoal ao traballo colectivo.

Cada solicitante poderá incluír ata dous achegas substitutivas debidamente referenciadas e identificadas como tales, que poidan suplir a outras tantas das presentadas en primeiro lugar e que o proceso de avaliación poda considerar de calidade insuficiente para acadar a puntuación mínima requirida.

- c) “Currículo vitae” normalizado (recoméndase o modelo da FECYT) que inclúa exclusivamente as actividades de investigación, desenvolvemento e innovación. Así mesmo, recoméndase que se achegue o “DOI” (digital object identifier) das publicacións que o dispoñan.
- d) Folla de servizos orixinal actualizada do período do que se solicita avaliación, na que conste o réxime de dedicación do solicitante durante o referido período. A folla de servizos deberá ser posterior a data de publicación desta convocatoria na Sede Electrónica.
- e) Se a investigación se realizou nun centro que non figura na «folla de servizos», deberase xuntar unha copia dos contratos, nomeamentos, credenciais de bolseiro/a ou documentos similares, e que inclúan período de tempo e réxime de dedicación. Deberá en todo caso tratarse dun centro docente superior ou cuxa actividade primordial e regular sexa a investigación.

3.3. A ANECA poderá solicitar en calquera momento do procedemento administrativo os documentos orixinais a partir dos que se xeraron os arquivos electrónicos que foron incorporados á solicitude, co fin de contrastar a súa validez e concordancia.

3.4. A ANECA reserva para si o dereito de actuar legalmente contra aqueles/as que modificasen ou alterasen os documentos orixinais para xerar os arquivos electrónicos incluídos na solicitude.

3.5. As consultas relacionadas con esta convocatoria e coa aplicación informática da mesma, será a través de “ANECA Responde”, accesible desde a páxina web a través deste enlace: http://www.aneca.es/Contacto/ANECA_responde.

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	5/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Tamén poderán facerse consultas sobre os trámites administrativos correspondentes a esta convocatoria na Vicerreitoría de Profesorado e Planificación Docente e no Servizo de Persoal Docente e Investigador.

4. Instrución do procedemento

4.1. Corresponde á ANECA, a través da CNEAI instruír o procedemento de avaliación da actividade investigadora.

4.2. Para desempeñar o seu labor, a CNEAI solicitará o asesoramento da comunidade científica, articulándoo a través de comités asesores e persoas expertas, por campos científicos, cuxa relación será oportunamente publicada.

4.3. No proceso teranse en conta exclusivamente os documentos presentados coa solicitude, polo que se prescindirá do trámite de audiencia, de conformidade co establecido no artigo 82.4 da Lei 39/2015, do 1 de outubro, do procedemento administrativo común das Administracións Públicas.

4.4 Os comités asesores e, se é o caso, as persoas expertas consultadas deberán formular un xuízo técnico sobre as 5 contribucións avaliadas á persoa solicitante.

4.5 No caso de que o comité asesor ou persoas expertas nomeadas pola directora da ANECA o consideren oportuno, poderán requirir da persoa solicitante, por medio da Directora da división de Avaliación do Profesorado da ANECA o de quen ostente a coordinación da CNEAI, a remisión dunha copia dalgunha ou de todas as achegas relacionadas no seu currículo vitae.

4.6 O xuízo técnico expresarase en termos numéricos de cero a dez, e será preciso un mínimo de seis puntos para obter unha avaliación positiva nun tramo de seis anos.

4.7 No caso das avaliacións únicas (actividade investigadora desenvolvida ata o 31 de decembro de 1988), o xuízo técnico expresarase en termos numéricos de cero ata o número que resulte de multiplicar por dez o número de tramos solicitados. Neste suposto, o número de tramos avaliados positivamente será igual ao número enteiro que resulte de dividir por seis a puntuación total asignada.

5. Criterios de avaliación

5.1. Na avaliación observaranse os criterios xerais establecidos no artigo 7 da Orde do 2 de decembro de 1994.

5.2. Os criterios xerais aludidos complementaranse cos criterios específicos establecidos, para cada un dos campos de avaliación, na Resolución do 21 de novembro de 2022, da Comisión Nacional Avaliadora da Actividade Investigadora, pola que se publican os criterios específicos aprobados para cada un dos campos de avaliación.

6. Resolución

6.1. O pleno da CNEAI establecerá a avaliación individual definitiva á vista das cualificacións emitidas polos comités asesores e as persoas expertas, asegurando, en todo caso, a aplicación dos criterios a que se refire o apartado 5 desta convocatoria.

6.2. Para a motivación do ditame que emita a CNEAI bastará coa inclusión dos informes emitidos polos comités asesores e persoas expertas, se estes fosen asumidos pola CNEAI. No caso contrario, deberán incorporarse ditame da CNEAI as motivacións para apartarse dos referidos informes, así como a fundamentación, avalada ou non por outros informes ditados por especialistas.

6.3. O prazo para a resolución das solicitudes por parte da Universidade da Coruña será de seis meses. En aplicación do disposto no artigo 22.1.d) da Lei 39/2015, de 2 de outubro, o transcurso do prazo máximo para resolver este procedemento e notificar a resolución quedará suspendido durante o período de avaliación das solicitudes por parte da CNEAI, sen que esta suspensión poda exceder dos 3 meses.

6.4. A CNEAI, ao remate do proceso de avaliación, comunicarlle o resultado da avaliación á Universidade da Coruña, que notificará a cada solicitante a resolución que proceda.

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	6/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



7. Recursos

As resolucións reitorais destes procedementos de avaliación da actividade investigadora, poderán ser recorridas ante o reitor, a través do recurso potestativo de reposición, no prazo dun mes, que comezará a contar dende o día seguinte ao da súa notificación. Destes recursos darase traslado á CNEAI, para os efectos de que os comités asesores emitan o informe técnico preceptivo previo á súa resolución, o cal suspenderá o prazo de resolución en aplicación do disposto no artigo 22.1.d) da Lei 39/2015, de 2 de outubro. Todo isto sen prexuízo da posibilidade de interposición directa do correspondente recurso contencioso-administrativo, no prazo de dous meses, que conta a partir do día seguinte ao da notificación, ante o xulgado do contencioso-administrativo, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo común das Administracións Públicas, e 46.1 e 8.3 da Lei 29/98, do 13 de xullo, da xurisdición contencioso-administrativa.

Código Seguro De Verificación	mhFUpw9Mck0o7bRVMu6JqQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	11/01/2023 13:22:31
Observacións		Páxina	7/7
Url De Verificación	https://sede.udc.gal/services/validation/mhFUpw9Mck0o7bRVMu6JqQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

